



Pou Piblikasyon Imedya: 9/11/2022

GOUVÈNÈ KATHY HOCHUL

## GOUVÈNÈ HOCHUL PIBLIYE PWOKLAMASYON KI DEKLARE NOVANM KÒM MWA APRANTISAJ NAN ETA NEW YORK

*Selebre Pwogram Aprantisaj Lidè Nasyonal New York la ak plis pase 17,000 apranti anrejistre nan divès metye kalifye ak plis pase 900 pwogram atravè Eta a*

*Depatman Travay Eta New York lanse toune aprantisaj nan tout Eta a nan Tiffany & Co. ki gen renome mondal la, pou lanse Pwogram Aprantisaj Anrejistre LVMH Etazini an*

*Li pwoklamasyon an isit la*

Gouvènè Kathy Hochul te pibliye jodi a yon [pwoklamasyon](#) ki deklare Novanm kòm Mwa Aprantisaj Eta New York. Pwoklamasyon an selebre pwogram aprantisaj New York la, ki se youn nan pi gwo nan nasyon an ak plis pase 17,000 apranti ki anrejistre nan divès metye kalifye ak plis pase 900 pwogram atravè eta a. Aprantisaj ki anrejistre yo ofri yon chemen enpòtan pou Nouyòkè yo jwenn bon jan kalite opòtinite karyè atravè aprantisaj pratik ak eksperyans travay dirèk ak salè ki wo ak bon avantaj. Depatman Travay Eta New York la te vizite Tiffany & Co. jodi a pou selebre lansman konpayi paran pa yo, premye pwogram Aprantisaj Anrejistre nan Eta New York LVMH la. NYSDOL pral kontinye vizite lòt pwogram aprantisaj atravè eta a pandan tout mwa a.

"Aprantisaj yo aji kòm yon deklannchè enpòtan pou karyè ki gen enpak epi ki gen salè ki wo, epi nou fyè dèské nou gen youn nan pwogram aprantisaj ki pi solid ak pi wobis nan peyi a isit la nan New York", **Gouvènè Hochul te deklare.** "Pandan inogirasyon Mwa Aprantisaj Eta New York la, nou selebre anpil biznis lokal k ap elají opòtinite pou moun k ap chèche djòb New York yo ak plizyè milye apranti ki anrejistre, gwoup travayè, ak òganizasyon komèsyal k ap travay pou ranpli djòb enpòtan yo epi konsti filyè talan eta nou an."

Eta New York gen youn nan pi gwo pwogram aprantisaj ki pi laj nan peyi a. Kounye a genyen 17,113 apranti ki anrejistre ki patisipe nan divès kalite metye kalifye nan 912 pwogram kialimante pa 622 esponnsò atravè Eta New York. Patisipasyon nan aprantisaj ki anrejistre nan Eta New York kontiny grandi, ak 79 nouveau pwogram ak 15 nouveau metye nan dènye ane a sèlman.

Aprantisaj anrejistre yo te kolòn vètebral endistri konstriksyon an pandan plizyè deseni. Sepandan, nan dènye ane yo, konpayi ki pa nan metye konstriksyon yo te rekonèt valè ki genyen nan chemen edikatif sa a epi yo te lanse pwòp pwogram aprantisaj pa yo. Òganizasyon tankou Manufacturers Alliance nan New York ak konpayi tankou Tiffany & Co. ap trase wout la pou avni ekspansyon pwogram aprantisaj ki pral ouvri nouvo pòt pou Nouyòkè yo epi konstwi filyè talan eta a pou ranpli travay enpòtan yo.

**Komisè Depatman Travay Eta New York la, Roberta Reardon, te deklare**, "Aprantisaj ki anrejistre pèmèt Nouyòkè yo touche lajan pou sipòte tèt yo ak fanmi yo, pandan y ap aprann konpetans yo bezwen pou yo reyisi. Mwen remèsye Gouvènè Hochul paske li mete aksan sou pwogram sekilè sa a, ki ap bay Nouyòkè ki gen tout orijin opòtinite san parèy pou yo jwenn yon karyè ki gen anpil rekompans ak demann nan tout domèn ekonomik la."

**Gena Smith, Ofisyè Resous Imèn Anchèf, LVMH Amerik Dinò, te deklare**, "Atravè pwogram Apprentis Anrejistre Métiers D'Excellence nou an, LVMH fè efò pou prezante atizana liksyé bay yon odyans ki pi laj pandan y ap konstwi yon filyè talan divès ak solid pou plis pase 75 mak liksyé mondyal nou yo. Nou remèsye Depatman Travay Eta New York pou kolaborasyon yo ak Tiffany & Co. pou fòme premye gwooup pwochen jenerasyon atizan yo nan konsepsyon ak fabrikasyon bijou nan Etazini."

**Mary Bellai, Ofisyè Resous Imèn Jeneral, Tiffany & Co., te deklare**, "Nou kontan kòmanse pwogram Métiers d'Excellence lan apre platfòm enpak sosyal nou an ki fèk lanse a, ki se [Tiffany Atrium](#) Inisyativ Métiers d'Excellence lan pral pèmèt nou ranfòse divèsite ak enklizivite mendèv Tiffany & Co. atravè youn nan pilye prensipal nou yo nan Tiffany Atrium - ki se edikasyon. Efò nou yo pral sipòte kwasans ak devlopman alontèm elèv yo, pwofesyonèl premye karyè yo ak enstitisyon edikatif Etazini yo."

**Gary LaBarbera, Prezidan Metye Konstriksyon Eta New York (New York State Building Trades) la, te deklare**, "Pandan New York ap kontinye envesti nan enfrastrikti enpòtan ak pwojè enèji pwòp, pwogram aprantisaj ak pre-aprantisaj ki ofri fòmasyon pratik sou plas, pral jwe yon wòl kle nan devlope yon mendèv trè kalifye ki gen komèsan ak komèsant ki ka mennen inisyativ sa yo pi devan ak efikasite. Nou remèsye Gouvènè Hochul paske li mete aksan sou wòl enpòtan nan pwogram sa yo lè li deziyen Novanm kòm Mwa Aprantisaj Eta New York. Nou rete angaje pou ofri Nouyòkè ki soti nan kominote majinalize yo ak divès orijin yon chemen pou jwenn djòb ki byen peye ak klas mwayèn nan atravè yon karyè nan endistri konstriksyon sendika a epi nou pa ka tann pou nou wè kontribisyon kontinyèl moun sa yo ap fè nan rekonstriksyon New York pi byen."

**Randy Wolken, Prezidan MACNY ak Manufacturers Alliance nan New York te deklare**, "Pwogram Aprantisaj Anrejistre New York la ap kontinye elaji atravè eta a, pou ofri rezidan k ap travay di yo chans pou yo touche pandan y ap aprann atravè eksperyans travay dirèk. MACNY ak Alliance Partners nou yo fyè pou yo fè patenarya ak Depatman Travay Eta New York (New York State Department of Labor, NYSDOL),

SUNY, ak lòt enstitisyon aprantisaj pou bay pwogram aprantisaj ki anrejistre epi pou ede ranpli bezwen mendèv k ap grandi nan novo ndistri ak endistri k ap emèje yo. Nou remèsyé Gouvènè Hochul paske li te pwoklame Novanm kòm Mwa Aprantisaj Eta New York epi paske li te rekonèt ak sipòte inisyativ mendèv kontinyèl sa yo."

NYSDOL te kòmanse Mwa Aprantisaj Eta New York la nan vizite Tiffany & Co. pou lansman premye pwogram [Métiers d'Excellence](#) Louis Vuitton Moët Hennessy (LVMH) lan nan Etazini ak Tiffany & Co. Pwogram aprantisaj ki anrejistre sa a pral fòme fiti bijouye yo nan konsepsyon ak sèvis an detay ak yon konsantrasyon sou rekritman atis ki soti nan kominote ki istorikman pa rezante ase yo. Uit apranti kounye a enskri nan pwogram inogirasyon an. Enstiti Teknoloji Mòd (Fashion Institute of Technology) SUNY a pral ede ak fòmasyon apranti yo.

Anplis vizit Tiffany & Co., NYSDOL pral vwayaje nan eta a pou rankontre ak pwogram aprantisaj ki anrejistre, ki gen ladan Classroom Academy nan Rejon Kapital la, Nail Creek Pub & Brewery nan Mohawk Valley, Departman Ponpye Vil Buffalo nan Lwès New York, Sheetmetal Worker Local 58 nan New York Santral, Electricians JAC nan Jamestown Lokal #106 nan Southern Tier, Strategic Global Aviation LLC nan Mohawk Valley ak plis ankò. Yo pral mete aksan sou vènman sa yo nan platfòm rezo sosyal NYSDOL yo.

NYSDOL kontinye elaji aprantisaj ki anrejistre nan novo sektè atravè Eta New York an patenarya ak Depatman Edikasyon Eta New York, ki bay sipèvizon eleman ansèyan pwogram yo. Biznis ki enterese nan lanse yon pwogram ta dwe ale sou [paj wèb resous aprantisaj](#) NYSDOL la.

**Chanselye Pwovizwa SUNY an, Deborah F. Stanley, te deklare**, "Patenarya ki dire lontan SUNY ak Depatman Travay Eta New York ak biznis yo atravè eta nou an bay yon pakèt opòtinite aprantisaj k ap grandi chak ane. Kolaborasyon patikilye sa a ant Tiffany & Co. ki renome a, konpayi paran yo ak lidè mondal liksye, LVMH, ak Fashion Institute of Technology, se lidè nasyon nou an, epi kreye yon opòtinite enteresan pou uit moun sa yo lanse yon karyè ki bay satisfaksiyon nan konsepsyon bijou ak sèvis detay. Nou remèsyé Gouvènè Hochul pou angajman li nan aprantisaj ak devlopman mendèv, ak envestisman Eta New York ki nesesè pou devlope pwogram nou yo."

**Prezidan Fashion Institute of Technology an Doktè Joyce F. Brown te deklare**, "Pwogram aprantisaj konpayi lidè tankou LVMH ak Tiffany & Co. ap konstwi yon filyè ant inivèsite ak endistri ki bay elèv talantye FIT nou yo chemen pou yo devlope eksperyans ak konpetans pa yo ke yo bezwen pou karyè ki pote siksè. Aprantisaj te yon pati enpòtan anpil nan devlopman mendèv depi lontan e mwen vle remèsyé Gouvènè Hochul ak Depatman Travay la paske yo te lanse inisyativ enpòtan sa a ki bay biznis yo aksè a rezèv talan atravè Eta New York."

**Komisè Edikasyon Eta New York la, Betty A. Rosa, te deklare**, "Lè nou pataje travay nou epi aprann youn nan men lòt, kapasite kolektif nou an grandi, epi tout elèv nou yo

benefisye. Yon chemen karyè ki gen ladann aprantisaj pèmèt moun yo kòmanse yon karyè epi aprann an menm tan, bay yon fondasyon solid pou karyè enteresan."

**Rektè Konsèy Administrasyon Eta New York Ia, Lester W. Young, Jr., te deklare**, "Li enpòtan pou nou bay opòtinite, konesans ak konpetans ki nesesè pou nou reyisi nan yon anviwonman mondal ki vin pi konpetitif. Aprantisaj bay fòmasyon nan travay, konbine avèk edikasyon ki gen rapò ak salklas, ki ka ouvri pòt pou elèv ki te fèmen anvan."

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418